

Buku mengenai PM dalam bahasa Arab dilancarkan Oktober

UM - 2 FEB 2003

KUALA LUMPUR 1 Feb. — Sebuah buku dalam bahasa Arab bertajuk *Dr. Mahathir Dari Kacamata Orang Arab dan Orang Islam* tulisan seorang penulis dari Emiriah Arab Bersatu (UAE) akan dilancarkan di sini Oktober depan.

Duta Malaysia ke UAE, Datuk Sved Hussein Abdul Kadir Al Habshee berkata, buku yang ditulis oleh Dr. Abdul Rahim Abdul Wahid yang mula dirangka dua bulan lalu **dijangka siap pada September ini.**

“Kita bercadang melancar buku itu sempena Pertubuhan Persidangan Negara-negara Islam (OIC) yang akan diadakan di Kuala Lumpur **pada Oktober nanti,**” katanyapada sidang akhbar di Hotel Pan Pacific di **sini, hari ini.**

Behau berkata, hasil penulisan wartawan kanan dan **berpengalaman** itu kemudian akan **diterjemahkan** ke bahasa Melayu awal tahun depan dan disusuli dengan **terjemahan** dalam bahasa **Inggris.**

Beliau memberitahu, buku **tersebut** akan **dibahagikan** kepada beberapa tajuk **menarik** antaranya *Malaysia* di bawah *Kepimpinan Dr. Mahathir, Hubungan Ekonomi Dengan Negara Arab, Sokongan Politik Kepada Isu-isu Agama, Sokongan Kepada Negara-negara Islam, Islam dan Ummah* dan *Teori Dalam Ekonomi Islam.*

“Dr. Abdul Rahim juga akan menemubual beberapa orang **pe**mimpin dunia terutama dari Asia **Barat** untuk mendapatkan **panda**ngan mereka **tentang Perdana Menteri Malaysia itu,**” tambah beliau.

Sementara itu, Abdul Rahim memberitahu, buku itu ditulis berdasarkan **pengalamannya** yang berulang-alik ke Malaysia sejak **empat** tahun lalu.

Beliau memberitahu, ketika kali pertama mengunjungi Malaysia untuk bercuti, beliau sudah merasa kagum melihat **pembang**unan sosio-ekonomi negara di **ba**wah kepimpinan Dr. Mahathir.

“Ketika itu kami mula terasa, kami di Asia **Barat** ketiadaan pemimpin seperti Dr. Mahathir yang mengambil **berat** **tentang** rakyatnya serta masalah dunia Islam.

“Beliau begitu terkenal dan berani memperjuangkan hak-hak Islam dan lantang menyuarakan kepada dunia bahawa Islam **bu**kan **pengganas,**” katanya.

Sehubungan itu, Abdul Rahim yang telah menulis sembilan buah buku **ingin** menulis **tentang** Dr. Mahathir sebagai panduan dan dijadikan **contoh** kepada pemimpin-pemimpin dunia Islam.

Buku **tersebut** akan ditaja oleh seorang usahawan, Datuk Yahya A. Jalil.